


書名 西山先生真文忠公文章正宗

卷二十二下



二十四卷 嘉靖四十三年序刊本
撰者 宋 眞德秀 輯
卷 卷二十二下
內容分類 集 總集 詩文
索書號 大木 集部 總集類 23
編號 D7912700

[彩色首頁1](#)

[東洋文化研究所漢籍目錄 編號: D7912700](#)

[東洋文化研究所漢籍目錄所藏漢籍善本文影像資料庫 索書號: 大木 集部 總集類 23](#)

[漢籍善本文影像資料庫文本 西山先生真文忠公文章正宗二十四卷 嘉靖四十三年序刊本](#)

[版權所有: 東京大學 東洋文化研究所](#)

[使用上的注意事項](#)

山先生真文忠公文章正宗卷第一



周襄王不許晉文公請隧

國語下同。僖公二十四年初

公奔齊王復之顏叔桃子奉太叔以

卒公寵於惠后惠后將立之未及而

伐周大敗周師王出適鄭二十五年

殺太叔納王晉侯朝王王享醴命之

隧弗許與之陽樊温原

襄王于郊王城之地也 王勞之以

有天下也規方千里以爲甸服 畫而

山川百禱之祀以其職貢以備百姓

盡薇蕨安可食攬轡命徒侶吟嘯絕巖中君子道
微矣夫子故有窮惟昔李騫期寄在匈奴庭忠信
反獲罪漢武不見明我欲競此曲此曲悲且長棄
置勿重陳重陳令心傷

遊僊 郭景純

翡翠戲蘭苕容色更相鮮綠蘿結高林蒙籠蓋一
山中有冥寂士靜嘯撫清絃放情凌霄外嚼蕊挹
飛泉赤松臨上游駕鴻濶乘紫煙左挹浮丘袖右拍
洪崖肩借問蜉蝣輩寧知龜鶴年

西山先生真文忠公文章正宗卷第二十二上

西山先生真文忠公文章正宗卷第二十二下

詩二

停雲 陶靖節

停雲思親友也樽湛新醪園列初榮願言不從歎
息彌襟

靄靄停雲濛濛時雨八表同昏平路伊阻靜寄東
軒春醪獨撫良朋悠逸搔首延佇停雲靄靄時雨
濛濛八表同昏平陸成江有酒有酒閑飲東牕願
言懷人舟車靡從東園之樹枝條再榮競用新好
一作競以招余情人亦有言日月于征安得促席

朝

親好

陳約

說彼平生翩翩飛鳥息我庭柯歛翮閑止好聲相
和豈無佗人念子寔多頽言不獲抱恨如何

時運

時運遊暮春也春

慨一作然交心

邁邁時運一作穆穆良朝襲我春服薄言東郊山

濂餘霽宇暖微霄有風自南翼彼新苗洋洋平津

乃漱乃濯邈邈遐景載欣載矚稱心而言人亦易

足一曰人亦有言稱心易足揮茲二觴遙一作陶然自樂延目中

流悠悠清沂童冠齊業聞詠以歸我愛其靜寤寐

交揮但恨殊世邈不可追斯晨斯夕言息其廬花

藥分列林竹翳如清琴橫牀濁酒半壺黃老居莫逮

慨獨在予

榮木

榮木念將老也日月推遷已復有夏總角聞道白

首無成

采采榮木結根于茲晨耀其華夕已喪之人生若

寄顛頽有時靜言孔念中心悵而一作凋采采榮木

于茲託根繁華朝起慨暮不存貞脆由人禍福無

門匪道曷依匪善奚敦嗟予小子稟茲固陋徂年

既流業不增舊志彼不令安此日富我之懷矣但
焉內疚先師遺訓予豈云墜四十無聞斯不足
可畏脂我名車策我老馬子墨雖遙孰敢不至

九日閑居

余閑居愛重九之名秋菊盈園而時驟靡由空服
九華寄懷於言

世短意恒多斯人樂久生日月依辰至舉俗愛其
名露淒暄風息氣徹天象明往燕無遺影來鴈有
餘聲酒能祛一作消百慮菊為一作解制頽齡如何蓬

廬士空視時運傾塵爵耻虛曩寒華徒自榮歛襟

獨閑謠緬焉起深情棲遲固多娛淹留豈無成

歸田園居

少無適俗韻性本愛丘山誤落塵網中一去三十

年羈鳥戀一作眷舊林池魚思故淵開荒南野際守

拙歸園田方宅十餘畝草屋八九間榆柳蔭後園

一作簷桃李羅堂前曖曖遠人村依依墟里煙狗吠

深巷中雞鳴桑樹顛戶庭無塵雜虛室有餘閑久

在樊籠裏復得反自然

野外罕人事窮巷寡輪鞅白日掩荆扉虛室絕塵
想時復墟曲中披草共來往相見無雜言但道桑

麻長桑麻日已長我志日已廣常恐霜霰至零落
同草莽

種豆南山下草盛豆苗稀侵晨理荒穢帶月荷鋤
歸道狹草木長夕露沾我衣衣沾不足惜但使願
無違

又去山澤游浪莽林野娛試携子姪輩披榛步荒
墟徘徊丘壠間依依昔人居井竈有遺處一作桑

竹一作麻殘朽株一作樹木借問採薪者此人皆焉

如薪者向我言死沒無復餘一世異朝市此語真
不虛人生似幻化終當歸空無

悵恨獨策還崎嶇歷榛曲山澗一作澗水清且淺遇一作

可以濯吾足漉一作漉我新熟酒隻雞招近局一作

屬日入室中閤荆薪代一作繼明燭歡來苦夕短已

復至天旭

種苗在東臯苗生滿阡陌雖有荷鋤倦濁酒聊自
適日暮巾柴車路暗光已夕歸人望煙火稚子候
簷隙問君亦何為百年會有役但願桑麻成蠶月
得紡績素心正如此開徑一作卷望三益江淹擬陶
徵君歸田

游斜川

開歲倏五日吾生行歸休念之動中懷及辰為茲

游氣和天爲澄班坐依遠流弱湍馳文魴閑谷矯
鳴鷗迥澤散游目緬然睇層丘雖微九重秀顧瞻
無匹儔提壺接賓侶引滿更獻酬未知從今去當
復如此不中觴縱遙情忘彼千載憂且極今朝樂
明日非所求

移居

昔欲居南村非爲卜其宅聞多素心人樂與數晨
夕懷此頗有年今日從茲役弊廬何必廣取足蔽
牀席鄰曲時時來抗言談在昔奇文共欣賞疑義
相與析

春秋多佳日登高賦新詩過門更相呼有酒斟酌
之晨務各自歸閑暇輒相思相思則披衣言笑無
厭時此理將不勝無爲忽去茲衣食當須幾力耕
吾不欺

和郭主簿

藹藹堂前一作北林中夏貯清陰凱風因時來回飈
開我襟一作新息交游閑業臥起弄書琴園蔬有餘
滋舊穀猶儲今管已良有極過足非所欽春秋作
美酒酒熟吾自斟弱子戲我側一作前學語未成音

此事真復樂聊用忘華簪遙望白雲懷古一何

深

和澤周三春清涼素秋節露凝無游氛天高風景
微曉岑聳逸峰遙瞻皆竒絕芳菊開林耀青松冠
巖列懷此貞秀姿卓為霜下傑銜觴念幽人千載
撫爾訣檢素不獲展厭厭竟良月

贈羊長史

左軍羊長史銜使秦川作此與之

愚生三季後慨然念黃虞得知千載外正賴古人
書賢聖留餘跡車事在中都豈忘游心自關河不
可喻九域甫爾去逝將理舟輿聞君當先邁負病
不獲俱路若經商山為我少躊躇多謝綺與角精
爽今何如紫芝誰復採深谷久應燕駟馬無貴患
貧賤有交娛清謠結心曲人乖運見踈擁懷累代
下言盡意不舒

始作鎮軍參軍經曲阿

弱齡寄事外委懷在琴書被褐欣自得屢空常晏
如時來苟冥^{一作}會宛轡憇通衢投策命晨裝
與園田踈眇眇孤舟逝絲絲歸思紆我行豈不遙
登陟^{一作}千里餘日倦川塗異心念山澤居望雲
懃高鳥臨水愧游魚真想初在襟誰謂形跡拘聊

且憑化遷終返班生廬

夜行江陵途中

閑居三十載遂與塵事冥詩書敦宿好林園無俗
情如何捨此去遙遙至南荆叩柅新秋月臨
流別友生涼風起將夕夜景湛虛明昭昭天宇潤
灑晶川上平懷役不遑寐中宵尚孤一作向南征商歌
非吾事依依在耦耕投冠旋舊墟不為好爵縈養
真衡茅下庶以善自名

懷古田舍

先師有遺訓憂道不憂貧瞻望邈難逮轉欲志長
勤秉耒歡時務解顏勸農人一作平曠交遠風良苗亦
懷新雖未量歲功即事多欣耕種有時息行者
無問津日入一作田人相與歸一作乘勞近鄰長吟掩柴
門聊為壠畝民一作人

已酉歲九月九日

靡靡秋已夕淒淒風露交萋草不復榮園木空自
凋清氣澄餘滓杳然天界高哀蟬無歸響叢鴈鳴
雲霄萬化相尋釋人生豈不勞從古皆有沒念之
中心焦何以稱我情濁酒且一作思自陶千載非所
知聊以永今朝

西田穫稻

人生歸有道衣食固其端孰是都不營而以求自
安開春理常業歲功聊可觀晨出肆微勤日入負
禾一作來還山中饒霜露風氣亦先寒田家豈不苦
弗獲辭此難四體誠乃疲庶無異患干盥濯息簷
下斗酒散襟一作散頽遙遙沮溺心千載乃相關但
願長如此躬耕非所歎

飲酒

衰榮無定在彼此更共之邵生瓜田中寧似東陵
時寒暑有代謝人道每如茲達人解其會一作遊
將不復疑忽與一觴酒日夕歡相持

道喪向千載人人惜其情有酒不肯飲但顧世間
名所以貴我身豈不在一生一生復能幾倏如流
電驚鼎鼎一作訂訂百年內持此欲何成一作倏忽

結廬在人境而無車馬喧問君何能爾心遠地自
偏採菊東籬下悠然見一作時南山山氣日夕佳
飛鳥相與還此中有真意欲辯已一作忽忘言

秋菊有佳色裛露掇其英況此忘憂物遠我遺一作
世情一觴雖一作聊獨進杯盞壺自傾日入羣動

息歸鳥趨林鳴嘯傲東軒下騁復得此生

青松在東園衆草沒其姿疑霜殄異類卓然見高
枝連林人不覺獨樹衆乃奇一作知提壺撫寒柯遠

望時復為一作復吾生夢幻間何事繼塵羈

清晨聞叩門倒裳往自開問子為誰與田父有好

懷壺漿遠見候疑我與時乖縑縷茅簷下未足為

高棲一世皆尚同願君汨其泥深感父老言稟氣

寡所諧紆轡誠可學違已詎非迷且共歡此飲吾

駕不可迴

在昔曾遠遊直至東海隅道路迥且長風波阻中

途此行誰使然似為飢所驅傾身營一飽少許便

有餘恐此非名計息駕歸閑居

故人賞我趣挈壺相與至班荆坐松下數斟已復

醉父老雜亂言觴酌失行次不覺知有我安知物

為貴悠悠迷所留一作酒中有深味一作固

疇昔苦長飢投耒去學仕將養不得節凍餒固纏

已是時向立年志意多所耻遂盡介然分終死一作

拂歸田里冉冉星氣流亭亭復一紀世路廓悠悠

楊朱所一作以止一作楊岐雖無揮金事濁酒聊

可恃

羲農去我久舉世少復真汲汲魯中叟彌縫使其

淳鳳鳥雖不至禮樂暫得一作時新沫泗輟微響漂
流遠狂秦詩書復何罪一朝成灰塵區區諸老翁
爲事誠殷勤如何絕世下六籍無一親終日馳車
走不見所問津若復不快飲空負頭上巾但恨多
謬誤君當怒醉人

擬古

榮榮廳下蘭密密堂前柳初與君別時不謂行當
久出門萬里客中道逢嘉友未言心相醉不在接
杯酒蘭枯柳亦衰遂令此言負一日時沒身還朽多謝諸
少年相知不忠厚意氣傾人命離隔復何有

辭家夙嚴駕當往至無終問君今何行非商復非
戎聞有田子春節義爲士雄斯人久已死鄉里習
其風生有高世名既沒傳無窮不學狂馳子直在
百年中

迢迢百尺樓分明望四荒暮作歸雲宅朝爲飛鳥
堂山河滿目中平原獨茫茫古時功名士慷慨爭
此場一旦百歲後相與還北邙松柏爲人伐高墳
互低昂頽墓無遺主游魂在何方榮華誠足貴亦
復可憐傷

東方有一士被服常不完三旬九遇食十年着一

冠辛苦無此比常有好看顏我欲觀其人晨去越
河關青松夾路生白雲宿簷端知我故來意取琴
爲我彈上絃驚別鶴下絃操孤鸞願留就君住從
今至歲寒

日暮天無雲春風扇微和佳人美清夜達曙酣且
歌歌竟長歎息持此感人多皎皎雲間月灼灼葉
中華豈無一時好不又當如何

少時壯且厲撫劍獨行遊誰言行遊一作道近張掖

至幽州飢食首陽薇渴飲易水流不見相知人純
是古時丘路邊兩高墳伯牙與莊周此士難再得

吾君一作君行欲何求

種桑長江邊三年望當採枝條始欲茂忽值山河
一作川改柯葉自摧折根株浮滄海春蠶既無食寒
衣欲誰待本不植高原今日復何悔

雜詩

人生無根蒂飄如陌上塵分散逐風轉此已非常
身落地爲一作落成兄弟何必骨肉親得歡當作樂

斗酒聚比鄰盛年不重來一日難再晨及時當勉
勵歲月不待人

白日淪西河素月出東嶺遙遙萬里暉蕩蕩空中

景風來入房戶夜中枕席冷氣變悟時易一作不

眠知夕永欲言無余一作餘和揮杯勸孤影日月擲

一作人去有志不獲騁念此懷悲悽終曉不能靜

憶我一作為少壯時無樂自欣豫猛志逸四海一作

輕一作翻思遠翥荏苒歲月頽此心稍已去值歡無復

娛每每多憂慮氣力漸衰損轉覺日不如壑舟無

須臾引我不得住前途當幾許未知止泊一作宿處

古人惜寸陰念此使人懼

昔聞長者一作老言掩耳每不喜奈何五十年忽已

親此事求我盛年歡一毫無復意去去轉欲遠此

生豈再值傾家時一作特此作樂竟此歲月駛有子不

留金何用身後置一作事

代耕本非望所業在田桑躬親未曾替寒餒常糟

糠豈期過滿腹但願飽粳糧御冬足一作禦大布

麤絺以應陽正爾不能得哀哉亦可傷人皆盡獲

宜拙生失其方理也可奈何且為陶一觴

詠貧士

萬族各有託孤雲獨無依曖曖空中滅何時見餘

暉朝霞開宿霧衆鳥相與飛遲遲出林翮未久復

來歸一作未夕量力守故輒豈不寒與飢知音苟

不存已矣何所悲

一作當告誰

淒厲歲云暮擁褐曝前軒南圃無遺秀枯條盈北

園傾壺絕

一作施

餘瀝窺竈不見煙詩書塞座外日

異不遑研閑居非陳厄竊有愠見言何以慰吾懷

賴士多此賢

榮申老帶

一作榮

索欣然方彈琴原生納決履清歌

暢高音重華去我久

一云去我重華久

貧士世相尋弊襟

不掩肘藜羹常乏斟豈忘襲輕裘苟得非所欽賜

也徒能辯乃不見吾心

安貧守賤者自古有黔婁好爵吾不榮厚饋吾不

酬一旦壽命盡弊服仍

一作蔽覆也

不問豈不知其極

非道故無憂從來將千載未復見斯儔朝與仁義

生夕死復何求

袁安困積雪邈然不可干阮公見錢入即日棄其

宮芻藁有常溫採菘足朝餐豈不實辛苦所懼非

飢寒貧富常交戰道勝無戚顏至德冠邦閭清節

映西關

詠三良

彈冠乘通津但懼時我遺服勤盡歲月常恐功愈

微忠情謬獲露遂為君所私出則陪文輿入必侍

丹帷箴規嚮已從計議初無虧一朝長逝後願言
同此歸厚恩固一作難忘君命安可違臨穴
罔惟一作疑投義志攸希荆棘籠高墳黃鳥聲正
悲良人不可贖泫然沾我衣

詠荆軻

燕丹善養士志在報強嬴招集百夫良歲暮得荆
卿君一作子死知己提劍出燕京素驥鳴廣陌慷
慨送我行雄髮指危冠猛氣衝長纓飲饒易水上
四座列羣英漸離擊悲筑宋意唱高聲蕭蕭哀風
逝淡淡寒波生商音更流涕羽奏壯士驚心知去
不歸且有後世名登車何時顧飛蓋入秦庭凌厲
越萬里遙迤過千城圖窮事自至豪主正怔營惜
哉劍術疎奇功遂不成其人雖已沒千載有餘情

讀山海經

孟夏草木長遶屋樹扶疎衆鳥欣有託吾亦愛吾
廬既耕亦一作且已種時還讀我書窮巷隔深轍頗
迴故人車歡然酌春酒摘我園中蔬微雨從東來
好風與之俱汎覽周王傳一作典流觀山海圖俯仰
終宇宙不樂復何如

桃源

羸氏亂天紀賢者避其世黃綺之商山伊人亦去

遊往跡浸復湮來逕遂蕪廢相命肆農耕日入從

所憩桑竹垂餘蔭菽稷隨時藝春蠶收長一作良絲

秋熟靡王稅荒路峻交通雞犬互鳴吠俎豆猶古

法衣裳無新製童孺縱行歌班白歡游一作迎詣草

榮識節和木哀知風厲雖無紀曆誌四時自成歲

怡然有餘樂于何勞智慧奇蹤隱五百一朝啟神

界淳薄既異源旋復還幽蔽借問游方士焉測塵

囂外一作塵願言躡輕風高舉尋吾契楊文靖公曰陶淵明

詩所不可及者冲澹深粹出於自然若曾用力學詩然後知淵明詩非著力之所能及

登池上樓

潛蚪媚幽姿飛鴻響遠音薄霄愧雲浮棲川作淵

沈蚪以深潛而保真鴻以高飛而遠害今已嬰俗網故有愧蚪鴻也進德智所拙

退耕力不任徇祿反窮海卧痾對空林衾枕昧節

候褰開暫窺臨傾耳聆波瀾舉目眺嶇嶇初景華

緒風新陽改故陰楚辭曰秋秋冬之緒風王逸曰緒餘也池塘生春

草園柳變鳴禽祁祁傷幽歌萋萋感楚吟索居易

永久離羣難處心持操豈獨古無悶徵在今

石壁精舍

昏旦變氣候山水含清暉清暉能娛人遊子憺忘

歸楚辭曰見聲色兮娛人觀者憺今忘歸王逸曰娛樂也憺安也出谷日尚早入

舟陽已微林壑歛暝色雲霞收夕霏芰荷迭映蔚

蒲稗相因依披拂趨南逕愉悅偃東扉慮澹物自

輕意愜理無違寄言攝生客試用此道推

過始寧墅

束髮懷耿介逐物遂推遷違志似如昨二紀及茲

年緇磷謝清曠疲繭慙貞堅拙疾相倚薄還得靜

者便剖竹守滄海枉帆過舊山山行窮登頓水涉

盡洄沔巖峭嶺彌迴江築觀基曾巔揮手告鄉曲

條媚清漣葺宇臨迴江築觀基曾巔揮手告鄉曲

三載期歸旋且為樹枌檟無令孤願言

初去郡

彭薛裁知耻貢公未遺榮漢書曰彭宣字子佩淮陽人也遷御史大夫轉

為大司空王莽秉政專權宣上書乞骸骨歸鄉里又曰薛廣德字長卿沛郡人也為御史大夫乞骸

骨班固漢書彭薛平當述曰廣德當宣近於知耻漢書貢禹字少卿琅耶人也為光祿大夫上書乞

骸骨鍾會或可優貪競豈足稱達生伊余秉微尚

拙訥謝浮名廬園當棲巖卑位代躬耕顧已雖自

許心迹猶未并無庸妨周任有疾像長卿論語子

有言曰陳力就列不能者止漢書曰司馬畢娶類

尚子薄遊似邴生嵇康高士傳曰尚長字子平河

不許複製

NOT TO BE REPRODUCED

家事斷之勿復相關當如我死矣嵇康書云尚
子平范曄後漢書日向長字子平男娶女嫁既畢
乃勃斷家事尚向不同未詳孰是班固漢書曰邴
曼容養志自修為官不肯過六百石輒自免去

恭承古人意促裝反柴荆牽絲及元興解龜在景

平牽絲初仕解龜去官也臧縈緒晉書曰安帝即

位改元曰元興靈運初為琅耶王大司馬行軍

參軍沈約宋書曰少帝即位改元曰景平應璩詩

曰不悞牽朱絲三署來相尋漢書曰薛宣為左馮

翊高陽今楊湛解印綬付吏負心二十載於今廢

將迎理棹遄還期遵渚驚修垞溯溪終水涉登嶺

始山行野曠沙岸靜天高秋月明憇石挹飛泉攀

林蹇落英戰勝臞者肥監止流歸停韓子子夏曰

之義則榮之出見富貴又榮之二者戰于胃臆故

懼今見先王之義戰勝故肥也爾雅注曰臞肉之

獲也巨俱切文子曰莫監於流潦而即是

獲我擊壤聲

田南樹園

樵隱俱在山由來事不同不同非一事養病丘園

中中園屏氛雜清曠招遠風卜室倚北阜啓扉面

南江激澗代汲井插槿當列墉羣木既羅戶衆山

亦對牕靡迤趨下田迢遞瞰高峰西京賦曰寡欲

不期勞即事罕人功唯開蔣生逕永懷求羊蹤三

決錄曰蔣詡字元卿隱於杜陵舍中三逕賞心不
唯羊仲求仲從之遊二仲皆控廉逃名

齋中讀書

昔余遊京華未嘗廢丘壑矧迺歸山川心跡雙寂

寞楚辭曰野寂虛館絕諍訟空庭來鳥雀臥疾豐

暇豫翰墨時間作懷抱觀古今寢食展戲謔既笑

沮溺苦又晒子雲閣執戟亦以疲耕稼豈云樂論

曰長沮桀溺耦而耕漢書曰王莽既以符命自立

即位之後欲絕其源以神前事而甄豐子尋劉歆

子茶復獻之莽誅豐父子投棗四裔辭所連及便

收不請時揚雄校書天祿閣上理獄使者來欲收

雄雄忍不能自免乃從閣上自投幾死京師為之

語曰惟寂惟寞自投於閣潘安仁夏侯湛誅曰執

戟疲萬事難並歡達生幸可託

石門新營

躋險築幽居披雲臥石門苔滑誰能步葛弱豈可

捫孀孀秋風過萋萋春草繁美人遊不還佳期何

由敦芳塵凝瑤席清醕滿金罇洞庭空波瀾桂枝

徒攀翻楚辭曰洞庭波兮木葉下結念屬霄漢孤

景莫與諉俯濯石下潭仰看條上猿早聞夕飈急

晚見朝日暎崖傾光難留林深響易奔感徃慮有

復理來情無存庶持乘日車得以慰營魂莊子牧

謂黃帝曰有長者教子曰若乘日之車而遊襄城

之野郭象曰日出而遊日入而息也車或為居楚

辭曰載營匪為眾人說異與智者論

秋懷 謝惠連

平生無志意少小嬰憂患如何乘苦心矧復值秋

晏皎皎天月明奕奕河宿爛蕭瑟含風蟬寥唳度

雲鴈楚辭曰秋之為氣也蕭瑟今草木搖落而變衰寒商動清閨孤燈暖

幽幔耿介繁慮積展轉長宵半夷險難豫謀倚伏

昧前算雖好相如達不同長卿慢達謂通達不拘禮也嵇康高士

傳司馬長卿讚曰長卿慢世越禮自放犢鼻居市

尚不耻其狀託疾避患蔑比卿相乃至士人超然莫

頗悅鄭生偃無取白衣宦范曄後漢書曰鄭均字仲虞東平任城人

也公車特徵再遷尚書後病乞骸骨拜議郎告歸

命觴朋來當染翰高臺驟登踐清淺時陵亂顏魏

不再圓傾義無兩旦金石終消毀丹青暫彫煥各

勉玄髮歡無貽白首歎因歌遂成賦聊用布親

爾雅曰申習也古患切

五君詠顏延年

阮公雖淪跡識密鑿亦洞沉醉似理照寓辭類託

諷成榮緒晉書曰籍拜東平相不以政事為務沈醉日多善鶴文論初不苦思率爾便成五言詩

詠懷八十餘長嘯若懷人越禮自驚眾魏氏春秋曰籍少時

常遊蘇門山有隱者莫知姓名籍從與談太古無

為之道及論五帝三王之美蘇門生蕭然曾不經

聽籍乃對之長嘯清韻響亮蘇門生追爾而笑籍

既降蘇門生亦肅若鸞鳳之音焉孫盛晉陽秋曰

阮籍嫂嘗歸家籍相見與別或物故不可論途窮

能無慟

中散不偶世本自餐霞人

孫盛晉陽秋曰嵇康性不偶俗呂氏春秋曰沈

君坐謂孫叔敖曰偶世接俗子不如我餐霞謂仙也形解驗默仙吐論知疑

神顧凱之嵇康讚曰南海太守鮑靚通靈士也東

海靚曰嵇叔夜寧曰嵇臨命東市何得在茲靚曰

夜迹示終而實尸解莊子曰藐姑射之山有神

人居焉其神凝郭象曰行若曳立俗迂流議尋山

洽隱淪相子新論曰天神鸞翮有時鍛龍性誰能

劉伶善閉關懷情滅聞見鼓鐘不足歡榮色豈能

眩韜精日沈飲誰知非荒宴咸榮緒晉書曰靈常乘鹿車携一壺酒

頌酒雖短章深衷自此見頌酒即酒德頌也

仲容青雲器實稟生民秀達音何用深識微在金

奏傅暢晉諸公贊曰中護軍長史阮咸唱議荀勗

所造樂聲高則悲亡國之音哀以思今聲不合

雅懼非德政中和之善必古今長短之所致後揚

地得古銅尺歲文欲腐壞以此尺度於勗今尺短

四分時人解郭奕已心醉山公非虛靚名士傳曰阮

明咸為解太原郭奕見屢薦不入官一麾乃出守曹

之晉紀曰山濤舉咸為吏部郎三上武帝不能用

也尚書曰學古入官麾指麾也言為勗所指麾也

傳暢諸公讚曰勗性自矜向秀甘澹薄深心託毫素探道好淵玄觀書鄙章

句謂注莊子也世說曰初注莊子者數十家莫能

揚玄 交呂既鴻軒攀嵇亦鳳舉向秀別傳曰秀常舉嵇康偶飯於洛 邑與呂子灌園於山陽收 其餘利以供酒食之費 流連河裏遊惻愴山陽 賦

東武吟 鮑明遠

主人且勿誼賤子歌一言僕本寒鄉士出身蒙漢

恩始隨張校尉占募到河源漢書曰張騫漢中人

軍擊匈奴知水草處軍得以不乏占謂自隱度而

應募為占募也吳志曰中郎將周祗乞於鄱陽占

募班固漢書曰自張騫 後逐李輕車追虜窮塞垣

密塗亘萬里寧歲猶七奔筋力盡鞍甲心思歷涼

溫將軍既下世部曲亦罕存時事一朝異孤績誰

復論少壯辭家去窮老還入關腰鎌刈葵藿倚杖

牧雞狔昔如鞞上鷹今似檻山後徒結千載恨空

負百年怨棄帟思君惺疲馬君軒願垂晉主惠

不愧田子魂韓子曰文公至河 令曰籩豆捐之庸

谷犯聞之而夜哭公曰寡人出 亡二十年乃全得

反國谷犯聞之不喜而哭意者 不欲寡人反國耶

答犯對曰籩豆所以食也而君 捐之席蓐所以

也而君棄之乎足胼胝而目 黎黑有勞功者

君後之今臣與在後中不勝其 哀故哭之文公

止韓詩外傳曰昔田子方出 見老馬於道喟然有

志焉以問於御曰此何馬也 御曰故公家畜也

而不用故出放之田子方曰 少盡其力而老棄

身仁者不為也東帛而贖

之窮士聞之知所歸心矣

出自薊北門行

羽檄起邊亭烽火入咸陽徵騎屯廣武分兵救朔
方巖秋筋竿勁虜陣精且強天子按劍怒使者遙
相望鴈行綠石逕魚貫度飛梁簫鼓流漢月旌甲
被胡霜疾風衝塞起沙礫自飄揚馬毛縮如蝟角
弓不可張西京雜記曰元封二年大雪深五尺野鳥獸皆死牛羊蹙縮加蝟時危
見臣節世亂識忠良投軀報明主身死為國殤

東門行

傷禽惡弦驚倦客惡離聲戰國策魏嘉對春申君曰臣少之時好射願以

射譬可乎春申君曰可嘉曰異曰蒼更羸與魏王處京臺之下更羸謂魏王曰臣能虛發而下鳥魏王曰然則射可至此乎更羸曰可有鴻鴈從東方

更羸曰此孽也王曰先生何以知之對曰其飛徐者其創痛也悲鳴者久失羣也故創未息而驚心未忘聞弦音引而高飛故瘡墮也今臨武君常為秦孽不可為拒秦之將也離聲斷客

情賓御皆涕零涕零心斷絕將去復還訣一夕不相知何況異鄉別遙遙征駕遠杳杳落日晚居人掩閨臥行子夜中飯野風吹秋木行子心腸斷食梅常苦酸衣葛常苦寒絲竹徒滿坐憂人不解顏長歌欲自慰彌起長恨端

白頭行

西京雜記曰司馬相如將聘茂陵一女為妾文君作白頭吟以自絕相如乃止沈約宋書古辭白頭吟曰妻妾重凄凄嫁娶不須啼願得一心人白頭不

離相

直如朱絲繩清如玉壺冰何慙宿昔意猜恨坐相
仍人情賤恩舊世議逐衰與毫髮一為瑕丘山不
可勝食苗實碩窳玷白信蒼蠅鳧鵠遠成美薪芻
前見陵韓詩外傳曰田饒事魯哀公而不見察謂
哀公曰夫雞頭戴冠文也足有距武也見
敵敢鬪勇也有食相呼仁也夜不失時信也雞有
五德君猶日瀹而食之者以其所從來近也夫黃
鵠一舉千里出君園池食君魚鰲喙君稻梁無此
五者而貴之以其所從來遠也故臣將去君黃鵠
舉矣公曰吾書子之言文子曰虛無因循
常後而不先譬若積薪燎後者處上也申黜褒
女進班去趙姬升周王日淪惑漢帝益嗟稱心賞
猶難恃貌恭豈易憑古來共如此非君獨撫膺

郗齋間坐北口呂法曹 謝玄暉

結構何迢迢遠曠望極高深牕中列遠岫庭際俯喬
林日出衆鳥散山暝孤猿吟已有池上酌復此風
中琴非君美無度孰為勞寸心惠而能好我問以
瑤華音楚辭曰折疏麻兮璠
華將以遺兮離居若遺金門步見就玉
山岑

夜發新林

大江流日夜客心悲未央徒念關山近終知反路
長秋河曙耿耿寒渚夜蒼蒼引領見京室宮雉正
相望金波麗鵠鵠玉繩低建章漢書歌曰月穆穆
以金波王弼周易

注曰麗連也張揖漢書注曰鵠鵠觀在雲陽甘泉
宮外春秋元命包曰王衡北兩星為王繩星漢書

日栢梁災於是作建章宮也驅車鼎門外思見昭丘陽馳暉不

可接何況隔兩鄉風雲有鳥路江漢限無梁常恐

鷹隼擊時菊委嚴霜寄言爵羅者寥廓已高翔

之宣城

江路西南永歸流東北鶩天際識歸舟雲中辨江

樹應劭風俗通曰太山巖石旅思倦搖搖孤遊昔

已屢既懽懷祿情復助滄州趣囂塵自茲隔賞心

於此遇雖無玄豹姿列女傳曰陶谷隱南山霧

譽不與家富三倍其妻抱兒而泣姑怒以為不祥

妻曰妾聞南山有玄豹初隱霧而七日不食欲以澤

晚登三山望京邑

灞浹望長安河陽視京縣白日麗飛甍參差皆可

見餘霞散成綺澄江靜如練喧鳥覆春洲雜共滿

芳甸去矣方滯淫懷哉罷歡宴佳期悵何許淚下

如流霰有情知望鄉誰能鬢不變爾雅曰鬢黑也

直中書省

紫殿肅陰陰彤庭赫弘敞風動萬年枝日華承露

掌晉宮闕名曰華林園玲瓏結綺錢深沉映朱網

東宮遺事曰總有四面綾綺連錢楚辭曰網戶朱

綴刻方連王逸注曰網綺文縷也綴緣也網與罔

同而義紅藥當階翻蒼苔依砌上茲言翔鳳池鳴

珮多清響信美非吾室中園思偃仰朋情以鬱陶
春物方駘蕩安得陵風翰聊恣山泉賞

觀朝雨

朔風吹飛雨蕭條江上來既灑百常觀復集九成

臺西京賦曰通天諒以疎峙徑百常而莖擢薛綜曰臺名也呂氏春秋曰有城氏有二佚女為九

成臺飲食必以鼓空濛如薄霧散漫似輕埃平明振衣坐

重門猶未開耳目暫無擾懷古信悠哉戢翼希驥

首乘流畏曝鱖三秦記曰河津一名龍門兩岸有山水陸不通龜魚莫能上江海大

龍不得上曝鱖水次也動息無兼遂歧路多徘徊

方同戰勝者去翦北山萊韓子子夏曰吾人見先王

貴又榮之二者戰於胃意故也也今見先王之義戰勝故肥也

遊東田

感感苦無棕攜手共行樂尋雲陟累榭隨山望菌

閣楚辭曰菌閣芳蕙樓遠樹暖仟仟生煙紛漠漠魚戲新荷

動鳥散餘花落不對芳春酒還望青山郭

別范安成沈休文

生平少年日分手易前期及爾同衰暮非復別離

時勿言一罇酒明日難重持夢中不識路何以慰

相思韓非子曰六國時張敏與高惠二人為友每道即迷不知路

遂回如此者三

遊沈道士館

秦皇御宇宙漢帝恢武功權娛人事盡性情猶未

充銳意三山上託慕九霄中既表祈年觀復立臺

仙宮廟記曰祈年宮在城外秦穆公所造望山宮在華陰漢武帝所造寧為心好

道直由意無窮曰余知止足是願不須豐遇可淹

留處便欲息微躬山嶂遠重疊竹樹近蒙籠開矜

濯寒水解帶臨清風所累非外物為念在玄空朋

來握石髓寢至駕輕鴻袁宏伯竹林名士傳曰王之隨入山列嘗得石髓柔潤如飴即自服半餘半取以與康皆凝而為石都令人逕絕

唯使雲路通一舉陵倒景無事適華嵩漢書谷永曰及廣

有仙人服食不終之藥遙與輕舉登遐倒景如淳曰在日月之上日月反從下照故其景倒列仙傳曰呼子先者漢中闕下卜師也壽百餘年夜有仙人持二竹竿來至呼子先子驕之乃龍也上華陰山人曰王子喬好笙

寄言賞心客歲暮爾來同

感遇詩陳伯玉

微月生西海幽陽始化昇圓光正東滿陰魄已朝

疑太極生天地三元更廢興至精諒斯在三五誰

能徵

蘭若生春夏芊蔚何青青幽獨空林色朱蕤冒紫

莖遲遲白日晚嫋嫋秋風生歲華盡搖落芳意竟

何成

樂羊爲魏將食子殉軍功骨肉且相薄他人安得
忠吾聞中山相乃屬放麋翁孤獸猶不忍況以奉
君終

聖人祕元命懼世亂其真如何嵩公輩談一作譎

誤時人先天誠爲美階亂禍誰因長城備胡寇羸
禍發其親赤精旣迷漢子年何救秦去去桃李花
多言死如麻

深居觀元化一作羣動悱然爭一作榮願羣動一作讒說相啖食

利害紛凝凝便便夸毗子一作榮耀更相持務光讓天
下商賈競刀錐已矣行采芝萬世同一時

林居病時久水木澹孤清間臥觀物化悠悠念無

一作羣生青春始萌達朱火已滿羸一作盈殂一作殂落

方自此感歎何時平

聖人不利已憂濟在元元黃屋非堯意瑤臺安可
論吾聞西方化清淨道彌敦奈何窮金玉雕刻以
爲尊雲構山林盡瑤圖珠翠煩鬼功尚未可人力
安能存夸愚適增累矜智道逾昏

玄天幽且默羣議曷嗤嗤聖人教猶在世運又陵
夷一繩將何繫憂醉不能持去去行采芝勿爲塵

所欺

翡翠巢南海雄雌珠樹林何如一作美人意驕愛

比黃金殺身炎州裏委羽玉堂陰旖旎光首飾歲

蕤爛錦衾豈不在遐遠虞羅忽見尋多材信為累

歎息此珍禽

昔日章華宴荆王樂荒淫霓旌翠羽蓋射兕雲夢

林竭來高堂一作觀悵望雲陽岑雄圖今何在黃

雀空哀吟

可憐瑤臺樹灼灼佳人姿碧華映朱實攀折青春

時豈不盛光寵榮君白玉墀但恨紅芳歇凋傷感

所思

竭來豪遊子勢利禍之門如何蘭膏歎感激自生

冤衆趨明所避時棄道猶存雲泉既已失羅網與

誰論箕山有高節湘水有清源唯應白鷗鳥可為

沈心言

訓暉上人夏日林泉

聞道白雲居窈窕青蓮宇巖泉流雜樹石室千年

吉林臥對軒牕山陰滿庭戶方釋塵勞事從君曩

南杜

古詩 李太白

大雅久不作吾衰竟誰陳王風委蔓草戰國多荆

榛龍虎相啖食兵戈速在秦正聲何微茫哀怨起
騷人揚馬激頽波開流蕩無垠廢興雖萬變憲章
亦已淪自從建安來綺麗不足珍聖代復元古垂
衣貴清真羣才屬休明乘運共躍鱗文質相炳煥
衆星羅秋旻我志在刪述垂輝映千春希聖如有
立絕筆於獲麟

蟾蜍薄太清蝕此瑤臺月圓光虧中天金魄遂淪

沒按唐書王皇后又無子而武妃有寵后不
諫止之太白詩意似屬乎此淮南子曰月照人
則皇后廢猶蝦蟆得志侵蝕乎月則金蟾蜍入

微大明夷朝暉浮雲隔兩曜萬象昏陰霏紫微帝居也

棘淫氣也蟬螻入乎紫微則大明傷矣大明日也
以喻君也夷傷也月蝕於蟾蜍日夷於蟬螻則兩
曜隔絕萬象皆昏亂無主蕭蕭長門宮昔是今已非陳皇后以
宮門皆昏亂無主桂蠹花不實天霜下嚴威沉歎終永夕感我涕

沾衣按楚辭桂蠹不知所淹留兮蓼蟲不知徙乎
葵菜石崇婢翻風詩云桂芳從有蠹老愛在
蛾眉言桂味辛不當有蠹如皇后至尊不當有
之者桂一蠹則徒花而不實又蕭之以嚴霜之威
得不為之永歎哉

秦帝掃六合虎視何雄哉揮劍扶浮雲諸侯盡西
來雄斷自天啓大略駕羣才收兵鑄金人函谷正
東開銘功會稽嶺騁望琅邪臺刑徒七十萬起土

驪山隈尚採不死藥茫然使心哀連弩射海魚長
鯨正崔嵬額鼻象五岳揚波噴雲雷鬢蔽青天
何由睹蓬萊徐氏載秦女樓船幾時迴但見三泉
下金椁葬寒灰

代馬不思越越禽不戀燕情性有所習風土固其
然昔別鴈門關今戍龍庭前驚沙亂海日飛雪迷
胡天蟣蝨生虎鷄心魂逐旌旃苦戰功不賞忠誠
難可宣誰憐李飛將白首沒三邊

莊周夢蝴蝶蝴蝶為莊周一體更變易萬事良悠

悠莊子云昔者周夢為蝴蝶栩栩然蝴蝶也不知
周之夢為蝴蝶與蝴蝶之夢為周與周與蝴蝶

則必有辨矣一能之間乃知蓬萊水復作清淺

流麻姑云向到蓬萊水又淺於往日青門種瓜人

舊日東陵侯富貴固如此營營何所求

齊有個儻生魯連特高妙明月出海底一朝開光

耀却秦振英聲後世仰末照意輕千金贈顧向平

原笑吾亦澹蕩人拂衣可同調

松栢本孤直難為桃李顏昭昭巖子陵垂釣滄波

間身將客星隱心與浮雲間長揖萬乘君還歸富

春山清風灑六合邈然不可攀使我長歎息冥棲

巖石間

君平既棄世世亦棄君平觀變窮太易探元化羣
生寂寞綴道論空簾閉幽情騶虞不虛來鸞鷲有
時鳴安知天漢上白日懸高名海客去已久誰人
測沉冥

胡關饒風沙蕭索竟終古歲落秋草黃登高望戎
虜荒城空大漠邊邑無遺堵白骨橫千霜嵯峨蔽
榛莽借問誰陵虐天驕毒威武赫怒我聖皇勞師
事鞞鼓陽和變殺氣發卒騷中土三十六萬人哀
哀淚如雨且悲就行役安得營農圃不見征戍兒
豈知關山苦李牧今不在邊人飼豺虎

燕昭延郭隗遂示黃金臺劇辛方趙至鄒衍復齊
來奈何青雲士未我如塵埃珠玉買歌笑糟糠養
賢材方知黃鵠舉千里獨徘徊

天津三月時千門桃與李朝為斷腸花暮逐東流

水武三思陰令人疏韋后穢行榜於天津橋此長
安也譙王重福至洛陽留臺侍御史李邕遇重

福於天津橋此洛陽也斷腸花猶唐明皇以千葉
桃為銷恨花任昉以萱草為療愁花之類言三月

之朝人見桃李爛熳春心搖蕩感物傷情腸為之
斷至于日暮花已零落隨逐東流之水左太冲詩

云俛仰生榮華咄嗟復凋
枯人於斯世正如是耳前水復後水古今相續

流新人非故人年年橋上遊雞鳴海色動謁帝羅

公侯月落西上陽一作上餘輝半城樓東坡記上
陽官在皇

城西衣冠照雲日朝下散皇州鞍馬如飛龍黃金
絡馬頭行人皆辟易志氣橫高丘入門上高堂列
鼎錯珍羞香風引趙舞清管隨齊謳七十紫鴛鴦
雙雙戲庭幽行樂爭晝夜自言度千秋功成身不
退自古多愆尤黃犬空歎息綠珠成怨讎何如鴟
夷子散髮棹一作弄扁舟范蠡滅吳反至五湖辭越王裝其輕寶不與私徒屬
乘舟浮於五湖適齊爲鴟夷子
郢客吟白雪遺響飛青天徒勞歌此曲舉世誰爲
傳試爲巴人唱和者乃數千吞聲何足道歎息空
悽然

秦水別隴首幽咽多悲聲胡馬顧朔雲蹊蹠長嘶
鳴感物動我心緬然含歸情昔視秋蛾飛今見春
蠶生嫋嫋桑結紫萋萋柳垂榮急節謝流水羈心
搖縣旂揮涕且復去惻愴何時平

世道日交喪澆風散淳源不采芳桂枝反棲惡木
根所以桃李樹吐花竟不言大運有興沒羣動爭
飛奔歸來廣成子去入無窮門

蓐收肅金氣西陸弦海月秋蟬號階軒感物憂不
歇良晨竟何許大運有淪忽天寒悲風生夜火衆
星沒惻惻不忍言哀歌達明發

羽檄如流星虎符合專城喧呼救邊急羣鳥警夜

鳴白日曜紫微三公運權衡天地皆得一澹然四

海清借問此何為答言楚徵兵一作征渡瀘及五

月將赴雲南征怯卒非戰士炎方難遠行長號別

嚴親日月慘光晶泣盡繼以血心摧兩無聲因獸

當猛虎窮魚餌奔鯨千去不一迴投驅豈全生如

何舞干戚一使有苗平

醜女來効顰還家驚四鄰莊子師金曰西施病心

見而美之歸亦掩其心而曠其眉其里之富人見壽

陵失本步笑殺邯鄲人莊子曰壽陵餘子學行於

邯鄲未得則能又失其故曲然子雖蟲喪天真棘刺造冰猴三

年費精神功成無所用楚楚且華身韓子曰燕王

曰臣能以棘刺之端為沐猴王悅之養以五乘之

奉王欲觀之衛大雅忌文王頌聲义崩淪安得

肉雨霽日出視郢中質一揮成斧莊子郢人墜墜其鼻端

抱玉入楚國見疑古所聞良寶終見棄徒勞三獻

卞和得璞玉於楚山之中奉而獻之楚武王王

示玉人曰石也則其左足成王即位抱直木忌先

伐芳蘭哀自焚盈滿天所損沉冥道為羣莊子太

直木先伐甘井先竭東海沉碧水西

關乘紫雲魯連及柱史可以躡清芬魯休連曰泰

帝連有蹈東海而死耳老子西入關關令尹喜占雲氣當有真人過物色得老子

燕臣昔慟哭五月飛秋霜庶女號蒼天震風擊齊

堂精誠有所感造化為悲傷淮南子鄒衍盡忠於燕惠王信讒而繫之

鄒衍仰天而哭正夏而天為之降霜齊寡婦庶賤之女也無子不嫁妻姑謹敬姑無男有女女利毋財令毋嫁婦終不肯女殺母以誣寡婦婦不能自明冤結叫天去六為作雷電下擊景公之臺而

我竟何辜遠身金甌傍浮雲蔽紫闥白日難回光

羣沙穢明珠眾草去孤芳古來共歎息流淚空沾

裳晉載記云不見也往來入燕室但見浮雲賦白日

孤蘭生幽園衆芳六蕪沒雖照陽春暉復悲高秋

月飛霜早灑瀝綠艷恐休歇若無清風吹香氣為

誰發山谷蘭說云蘭生深山叢蒿之中不為無人而不芳含香體潔平居與蒿艾同生而不秀

清風過之其香藹然在室一滿室也

登高望四海天地何漫漫霜被羣物秋風飄大荒

寒榮華東流水萬事皆波瀾白日掩徂暉浮雲無

定端梧桐巢燕雀枳棘棲鸚鵡且復歸去來劍歌

行路難陶潛有歸去來辭馮驩彈

鳳飢不啄粟所食惟琅玕宋王九辨曰驥不食餒

而妄食餒於偽切即此意離騷注南方有鳥其名

為鳳天為生樹名曰琅玕枝高百二十仞大三十圍

以琳琅為寶嵇康馬能與羣雞感促爭一餐朝鳴

詩朝食琅玕實

崑丘樹夕飲砥柱湍歸飛海路遠獨宿天霜寒幸

遇王子晉結交青雲端懷恩未得報感別空長歎

○周穆八荒意漢皇萬乘尊可淫樂心不極雄豪安

足論西海宴王母北宮邀上元瑤水聞遺歌玉杯

竟空言靈跡成蔓草徒悲千載魂

八荒馳驚飈萬物盡凋落浮雲蔽頽陽洪波振大

壑龍鳳脫網罟飄飄將焉託去去乘白駒空山詠

場藿龍鳳喻君子網罟喻禍患謂君子幸脫禍患將安所棲託乎隱於空山詠場藿之詩而已

○桃花開東園含笑誇白日偶蒙春風榮生此艷

陽質豈無佳人色但恐花不賞宛轉龍火飛零落

早相失詎知南山松獨立自蕭颯

美人出南國灼灼芙蓉姿皓齒終不發芳心空自

持由來紫宮女共妬青蛾眉歸去瀟湘沚沉吟何

足悲

宋國梧臺東野人得燕石誇作天下珍却晒趙王

璧闕子曰宋之愚人得燕石於梧臺之側藏之以為大寶周客聞而觀焉主人齋七日端冕元服

以發寶華匱十重巾十襲客見俛首掩口盧胡而

笑曰此特燕石也與瓦甃不殊主人大怒曰商賈

之言醫匠之心藏之愈固史記趙惠文王時趙璧

得楚和氏璧秦昭王聞之願以十五城易璧趙璧無緇磷燕石非貞真流俗多錯誤豈知玉與珉

託詭苑秋蓬惡其本根美其
枝葉秋風一起根本離矣光風滅蘭蕙白露灑
葵藿美人不我期草木日零落

齊瑟彈東吟秦絃弄西音慷慨動顏魄使人成荒
淫彼美佞邪子婉變來相尋一笑雙白璧再歌千
黃金珍色不貴道詎惜飛光沉安識紫霞客瑤臺
鳴玉琴

越客採明珠提攜出南隅清輝照海月美價傾鴻
都獻君君按劍懷寶空長吁魚目復相哂寸心增
煩紆

我行巫山渚尋古登陽臺天空綵雲滅地遠清風
來神女去已久襄王安在哉荒淫竟淪沒樵牧徒
悲哀

惻惻泣路岐哀哀悲素絲路岐有南北素絲易變
移萬事固如此人生無定期田實相傾奪賓客互
盈虧世途多反覆交道方嶮巖斗酒強然諾寸心
終自疑張陳竟火滅蕭朱亦星離衆鳥集榮柯窮
魚守枯池嗟嗟失懽客勤問何所規

江行寄崔員外宗之

飄飄江風起蕭颯海樹秋登艫美清夜挂席移輕
舟月隨碧山轉水合青天流杳如星河上但覺雲

林幽歸路方浩浩，徂川去悠悠。徒悲蕙草歇，復聽菱歌愁。崖曲迷後浦，沙明瞰前洲。懷君不可見，望遠增離憂。

送韓淮裴政孔巢父還山

淮一作準
政一作正

獵客張旆且不能，挂龍虎所以青雲人。高歌在巖戶，韓生信英彥。裴子含清真，孔侯復秀出。俱與以雲霞親，峻節凌遠松。同衾臥盤石，斧冰漱寒泉。三子同二屐，時時或乘興。徃徃雲無心，出山揖牧伯。長嘯輕衣簪，昨宵夢裏還。云弄竹溪月，今辰魯東門。悵飲與君別，雪崖沒去鳥。蘿逕迷歸人，相思若煙草。歷亂無冬春。

留別金陵諸公

海水昔飛動，三龍紛戰爭。鍾山危波瀾，傾側駭奔鯨。黃旗一掃蕩，割攘開吳京。六代更霸王，遺跡見都城。至今秦淮間，禮樂秀羣英。地扇鄒魯學，詩騰顏謝名。五月金陵西，祖余白下亭。欲尋廬峰頂，先繞漢水行。香爐紫煙滅，瀑布落太清。若攀星辰去，揮手緬含情。

秋日魯郡堯祠亭上宴別杜補闕范侍御

我覺秋興逸，誰云秋興悲。山將落日去，水與晴空

宜魯酒白玉壺送行駐金羈歇鞍憇古木解帶挂
橫枝歌鼓川上亭曲度神飈吹雲歸碧海夕鴈沒
青天時相失各萬里茫然空爾思

擬古

青天何歷歷明星白如石黃姑與織女相去不盈
尺銀河無鵲橋非時將安適閨人理統素遊子悲
行役瓶冰知冬寒霜露欺遠客客似秋葉飛飄飄
不言歸別後羅帶長愁寬去時衣乘月託宵夢因
之寄金徽

高樓入青天下有白玉堂明月看欲墮當牕懸清
光遙夜一美人羅衣霜秋霜含情弄柔瑟彈作陌
上桑絃聲何激烈風卷繞飛梁行人皆躑躅棲鳥
起迴翔但寫妾意苦莫辭此曲傷願逢同心者飛
作紫鴛鴦

君爲女蘿草妾作兔絲花百尺託遠松纏絲來一
家誰言會合易各在青山崖女蘿發清香兔絲斷
人腸枝枝相糾結葉葉競飄揚生子不知根因誰
共芬芳若識二草心海潮亦可量

長繩難繫日自古共悲辛黃金高北斗不惜買陽
春石火無留光還如世中人卽事已如夢後來我

華身提壺莫辭貧取酒會四鄰仙人殊恍惚未若
醉中真

清都綠玉樹灼爍瑤臺春攀花弄秀色遠贈天仙
人香風送紫藥直到扶桑津取掇世上豔所貴心
之珍相思傳一笑聊欲示情親

綠一作綠

今日風日好明日恐不如春風笑於人何乃愁自
居吹簫舞彩鳳酌醴鱸神魚千金買一醉取樂不
求餘達士遺天地東門有二疎愚夫同瓦石有才
知卷舒無事坐悲苦塊然涸轍魚

運速天地閉胡風結飛霜百草死冬月六龍頽西
荒太白出東方彗星揚精光鴛鴦非越鳥何為眷
南翔惟昔鷹將犬今為侯與王得水成蛟龍爭池
奪鳳凰北斗不酌酒南箕空簸揚

世路今太行迴車竟何託萬族皆凋枯遂無少可
樂曠野多白骨幽魂共銷鑠榮貴當及時春華宜
照灼人非崑山玉安得長堆錯身沒期不朽榮名
在麟閣

月色不可掃客愁不可道玉露生秋衣流螢飛百
草日月終銷毀天地同枯槁蟪蛄啼青松安見此
樹老金丹寧誤俗昧者難精討爾非千歲翁多銀

去世早飲酒入玉壺藏身以爲寶
生者爲過客死者爲歸人天地一逆旅同悲萬古
塵月免空擣藥扶桑已成薪白骨寂無言青松豈
知春前後更歎息浮榮何足珍

仙人騎綵鳳昨下閩風岑海水三清淺桃源一見
尋遺我綠玉杯兼之紫瓊琴杯以傾美酒琴以聞
素心二物非世有何論珠與金琴彈松裏風杯動
天上月風月長相知世人何倏忽

涉江弄秋水愛此荷花鮮攀荷弄其珠蕩漾不成
圓佳期綵雲重欲贈隔遠天福思無由見懷望

風前

去去復去去辭君還憶君漢水旣殊流楚山亦此
分人生難稱意豈得長爲羣越鷺喜海日燕鴻思
朔雲別久容華晚琅玕不能飯日落知天昏夢長
覺道遠望夫登高山化石竟不返

四皓

白髮四老人身藏南山側偃臥松雪間冥翳不可
識雲牕拂青霞石壁橫翠色龍虎方戰爭於焉自
休息秦人失金鏡漢祖昇紫極陰虹濁一作太陽
前星遂淪匿一行佐明兩歛起生羽翼功成身不

居舒卷在胷臆皆冥合元化茫昧信難測飛聲塞
天衢萬古仰遺則一作

南軒松

南軒有孤松柯葉自緜暮清風無間時瀟灑終日
夕陰生古苔綠色染秋煙碧何當凌雲霄直上數
千尺

學古思邊

銜悲上隴首腸斷不見君流水若石情幽哀從此
分蒼茫愁邊色惆悵落日曛山外接遠天天際復
有雲白鴈從中來飛鳴苦難聞足繫三書札寄言
歎離羣離羣心斷絕十見花成雪胡地無春輝征
人行不歸相思杳如夢珠淚濕羅衣

尋陽紫極宮感秋作

何處聞秋聲脩脩北牕竹迴薄萬古心攬之不盈
掬靜坐觀衆妙浩然媚幽獨白雲南山來就我簷
下宿嬾從唐生決羞訪季主卜四十九年非一往
不可復野情轉瀟灑世道有翻覆陶令歸去來田
家酒應熟

日夕山中忽然有懷

久臥名山雲遂為名山客山深雲更好賞弄終日

夕月銜樓間峰泉漱階下石素心自此得真趣非
外借颺啼桂芳秋風滅籟歸寂緬思洪崖術欲往
滄海一作隔雲車來何遲撫几空歎息

秋登巴陵望洞庭

清晨登巴陵周覽無不極明湖映天光徹底見秋
色秋色何蒼然際海俱澄鮮山青滅遠樹水綠無
寒煙來帆出江中去鳥向日邊風清長沙浦霜空
雲夢田瞻光惜頽髮閱水悲徂年北渚旣蕩漾東
流自潺湲郢人唱白雪越女歌採蓮聽此更腸斷
憑崖淚如泉

登新平樓

去國登茲樓懷歸傷暮秋天長落日遠水靜寒波
流秦雲起嶺樹胡鴈飛沙洲蒼蒼幾萬里日斷冷
人愁

春日獨酌

我有紫霞想緬懷滄洲間且對一壺酒澹然萬事
閒橫琴倚高松把酒望遠山長空去鳥沒落日孤
雲還但悲光景晚宿昔成秋顏

望廬山瀑布水

西望香爐峰南見瀑布水挂流三百丈噴壑數千

里歛如飛電來隱若白虹起初驚河漢落半灑雲
天裏仰觀勢轉雄壯哉造化功海風吹不斷江月
照還空空中亂濼射左右洗青壁飛珠散輕霞流
沫拂一作沸穿石而我遊名山對之心益閒無論漱
瓊液且得洗塵顏此二句無且諧宿所好永願辭人
間

春日醉起言志

處世若大夢胡為勞其生所以矜日醉頽然臥前
楹覺來聊庭前一鳥花間鳴借問此何時春風語
流鶯感之欲歎息對酒還自傾浩歌待明月曲盡

已忘情

自京赴奉先

詠懷 杜子美

杜陵有布衣老大意補拙許身一何愚竊比稷與

契此二句為一篇綱領披云子美自許稷與契

高秦時用商鞅法令如牛居然成濩落白首甘契

毛此是稷契輩口中語也潤蓋棺事則已此志常覲豁窮年憂黎元歎息腸

內熱取笑同學翁浩歌彌激烈非無江海志蕭灑

送日月生逢堯舜君不忍便永訣當今廊廟具構

厦豈云缺葵藿傾太陽物性固莫奪顧惟螻蟻輩

但自求其穴胡為慕大鯨輒擬偃溟渤以茲悟生

理獨耻事干謁兀兀遂至今恐為塵埃沒終愧巢

與由未能易其節沉飲聊自遣放歌頗愁絕歲暮

百草零疾風高岡裂天衢陰崢嶸客子中夜發霜

巖衣帶斷指直不得結凌晨過驪山御榻在嵒嶮

趙云指言明皇御幸之 崢嶸也嵒嶮小而不安貌 崢嶸尤塞寒空蹴踏崖谷滑

趙云崢嶸尤前導之旗也塞寒 瑤池氣鬱律羽林相

摩戛趙云瑤池以此温湯也羽林尾駕之 君臣留

懽樂動殷粍趙云殷讀從殷其雷之殷樂聲

音苦葛切釋 賜浴皆長纓與宴非短褐趙云班彪

家聚歛真城闕聖人筐篚恩實欲邦國活臣如忽

至理君豈棄此物多士盈朝廷仁者宜戰慄趙云

申戒之當思君王賜予之幣帛出於寒女之夫 沉

聞內金盤盞在衛霍室趙云衛青霍去病皆以后

中堂舞神仙煙霧蒙玉質煖客貂鼠裘悲管逐清

瑟勸客馳蹄羹霜橙壓香橘朱門酒肉臭路有凍

死骨榮枯咫尺異惆悵難再述北轅就涇渭宮渡

又改轍趙云官渡涇渭三 羣水從西下極目高嶸

兀疑是崆峒來恐觸天柱折按唐志涇州安定郡

則有來之理矣既以水為陸峒山之來則又河梁可寓言其觸天柱矣此詩人張大之勢也

幸未拆枝撐聲窸窣行旅相攀援川廣不可越老

妻既異縣十口隔風雪誰能久不顧庶往共飢渴

入門聞號咷幼子飢已卒吾寧捨一哀里巷亦嗚

咽所愧為人父無食致夭折豈知秋未登貧窶有

倉卒趙云此六韻蓋敘還家所遭之故念生理之艱也生常免租稅名不

隸征伐撫迹猶酸辛平人固騷屑默思失業途因

念遠戍卒趙云此三韻推已念物之憂憂端齊終南瀕洞不可

拔趙云此與詩人憂心如惓何以異終南者山名

相契之語知其不妄自許以愚觀之即此一詩非有

敷之冠

北征鮑云至德二年公自賊窟歸鳳翔時公家在鄜州所在

寇多彌年躑躅孺弱至餓死者有墨制許

自省視八月之吉公始北征徒步至三川

迎妻子故有是詩東坡嘗云北征詩識君

臣之大體忠義之氣與秋色爭高可貴也

趙云孫莘老嘗謂老杜北征勝韓退之南

山詩王平甫以謂南山勝北征終不能相

服時山谷尚少乃曰若論工巧則北征不

及南山若書一代之事以與國風雅頌相

皇帝二載秋閏八月初吉杜子將北征蒼茫問家

室維時遭艱虞朝野少暇日顧慙恩私被詔許歸

蓬華

時房瑄得罪甫上言瑄罪細不宜免帝怒詔大臣體帝不省錄

諫諍姿恐君有遺失趙云甫既得往而不忍輕去其君尚恐君又有過舉而當

君誠中興主經緯固密勿東胡反未已臣甫

憤所切趙云中興主指言肅宗也東胡指言安慶乙卯安慶緒已殺其

坤含瘡痍憂虞何時畢靡靡踰阡陌人煙眇蕭瑟

所遇多被傷呻吟更流血回首鳳翔縣旌旗晚明

滅時肅宗在鳳翔前登寒山重屢得飲馬窟邠郊入地底

涇水中蕩滴邠州古猛虎立我前蒼崖吼時裂菊

垂今秋花石戴古車轍青雲動高興幽事亦可悅

山果多瑣細羅生雜橡栗或紅如丹砂或黑如點

漆雨露之所濡甘苦齊結實緬思桃源內益歎身

世拙趙云桃源在鼎州陶潛有記坡陁望廊時谷

巖互出沒趙云正望其我行已水濱我僕猶木末

鷓鴣鳴黃桑野鼠拱亂穴夜深經戰場寒月照白

骨潼關百萬師往者散何卒遂令半秦民殘害為

異物翰以兵二十萬守潼關及其敗也火拔歸仁

賊沉我墮胡塵及歸盡華髮經年至茅屋妻子衣

百結慟哭松聲迥悲泉共幽咽平生所驕兒顏色

四頁六十一
文章正宗卷三
李翹

白勝雪見爺背面啼垢臙脚不襪趙云見爺背面

木蘭詩不聞爺娘喚女聲垢臙脚不襪王祺以為轉石於千仞山之勢沐前兩小女

補綻纔過膝海圖折波濤舊繡移曲折天吳及紫

鳳天吳水神也山海經云丹穴山有鸞鸞鳳之屬

也如鳳五色而多紫趙云天吳海圖所畫之物紫鳳所繡顛倒在短褐趙云短褐字長短之短老

夫情懷惡嘔泄臥數日那無囊中帛救汝寒凜慄

粉黛亦解包衾稠稍羅列瘦妻面復光癡女頭自

櫛學毋無不為曉粧隨手抹移時施朱鈿狼籍盡

眉潤生還對童稚似欲忘飢渴問事競挽鬢誰能

卽噴喝魏思在賊愁甘受雜亂聒新歸且慰意生

理焉得說至尊尚蒙塵幾日休練立仰看天色

旁覺妖氣豁陰風西北來慘澹隨回鶻其王願助

順其俗喜馳突送兵五千人驅馬一萬匹此輩少

為貴四方服勇決所用皆鷹騰破敵過箭疾聖心

頗虛佇時議氣欲奪趙云言主上雖虛心以待其

以氣欲奪也伊洛指掌收西京不足後官軍請深入蓄

銳伺俱發趙云此正特議以為國家自有恢復中

回紇也此舉開青徐旋瞻略恒碣昊天積霜露正氣

有肅殺禍轉亡胡歲勢成擒胡月胡命其能又皇

綱未宜絕憶昨狼狽初事與古先別奸臣競菹醢

晉書 卷之五十五 卷之三

同惡隨蕩析不聞夏殷衰中自誅褒妲褒妲也此言詩

楊貴妃也鮑云魏泰曰唐人詠馬嵬之事尚矣世

所稱著劉禹錫曰官軍誅佞幸天子捨天姬白樂

天曰六軍不發無奈何宛轉蛾眉馬前死此乃歌

諫祿山而明皇不得已誅貴妃也豈特不曉文體

蓋亦失事君之禮老杜則不然北征詩曰不聞夏

商衰中自誅褒妲乃明皇鑒夏商之敗畏天悔禍

賜妃子死官周漢獲再興宣光果明哲趙云蓋謂

軍何與焉

衰亂而今日與之殊別焉其殊別者何也奸臣如

楊國忠既誅其黨與失勢而蕩析矣此與古先別

之一也夏殷亦衰矣而褒妲不誅上皇乃能割情

忍愛而誅貴妃此與古先別之二也褒妲已褒

乃公命語痛快因成小誤耳桓桓陳將軍仗鉞

奮忠烈微爾人盡非于今國猶活趙云東坡先生

詩云桓桓陳將軍此謂陳元禮也按唐書陳元禮

傳宿衛宮禁安祿山反謀誅楊國忠開下不克

馬嵬卒誅之又按楊貴妃傳西幸至馬嵬陳元禮

等以天下計誅國忠已死軍不解帝遣力士問



曰禍本尚在帝不得已與妻涼大同殿寂寞白獸

闕都人望翠華佳氣向金闕趙云按大同殿在南

之北此明皇帝所游之地白獸闕考之唐志無此

名惟漢未央宮中有白虎門白虎殿豈公借用以

為比耶大勸園陵固有神掃灑數不缺煌煌太

車駕歸長安也

宗業樹立甚宏達

玉華宮趙云宮在坊州宜君縣玉華

下趙云貞觀二十年太宗所作而今詩云不知何

禁內煩熱營太和宮終南之上其後復與玉華之

五言

五言

五言

業之主身觀習治之世勞人費財於營建廢時逸
豫於離宮故詩人諱之曰不知何王殿也按徐賢
妃傳如嘗言翠微玉華等宮雖因山藉水無繁架
之苦而工力和儼不謂無煩有道之君以逸逸人
無道之君以樂樂身則公之微意可見矣陰房鬼火青壤道哀湍瀉萬
籟真笙竽秋色正蕭灑美人為黃土况乃粉黛假
當時侍金輿故物獨石馬憂來藉草坐浩歌淚盈
把冉冉征途間誰是長年者

九成宮

趙云在鳳翔府麟游縣又按此宮本隋之仁壽宮

蒼山入百里崖斷如杵白曾宮憑風迥炭業土囊
口立神扶棟梁鑿翠開戶牖其陽產靈芝其陰宿
牛斗紛披長松倒揭礫怪石走哀猿帝一聲客淚

迸林藪荒哉隋家帝製此今頽朽

楊素為隋文帝營仁壽宮素規

懽鴻俊文帝怒曰素為吾結怨天下素向使國不

亡焉為巨唐有雖無新增修尚置官居守巡非瑤

水遠跡是雕墻後

趙云上言因隋以鑿唐也下復申言以箴之其去長安則亦遠

矣特比周穆王之瑤池為不遠也指言巡非瑤水遠然峻宇雕墻五子之所戒以為未或不忘者而乃可襲其迹之後乎此指言唐襲隋後也玉華宮唐所創建不敢指斥故云不知何王殿今九成宮隋所建當以之為戒我來屬時危仰望嗟歎又天

王守太白駐馬更搔首

趙云守者狩也春秋天王狩于河陽穀梁用此字也

注引誤以符為守以太白山為太白星也

羌村三首

崢嶸赤雲西日脚下平地柴門烏雀噪歸客千里
至妻孥恠我在驚定還拭淚世亂遭飄蕩生理偶
然遂鄰人滿墻頭感歎亦歔歔夜闌更秉燭相對
如夢寐冷齋夜話云夜闌更秉燭相對如夢寐更
相秉燭照之恐尚是夢也當作更若使側
聲字讀則失其意甚矣

晚歲迫偷生還家少歡趣嬌兒不離膝畏我復却

去憶昔好追涼故繞池邊樹蕭蕭北風勁撫事煎

百慮賴知禾黍收已覺糟牀注趙云一作黍林收
極是蓋黍與秫所

以造酒方與下句相應東坡洋川南園詩有云桑
疇雨過羅紈膩麥隴風來餅餌香此亦賴知黍秫
收已覺糟牀注之意蓋詩
人推物理相心其事如此如今足斟酌且用慰

暮

羣雞正亂叫客至雞鬪爭驅雞上樹木始聞扣柴

荆父老四五人問我久遠行手中各有携傾榼濁

復清苦辭酒味薄黍地無人耕兵革既未息兒童

盡忠征請為父老歌艱難媿深情歌罷仰天歎四

座淚縱橫趙云此詩一篇之中賓主既具問答了
然故善論詩者以此陶潛詩清晨聞叩

門云

新安吏王深父云乾元二年郭子儀等九
節度之師圍安慶緒于鄴時不立

元帥以中官魚朝恩為觀軍容宣慰使
遂潰于城下諸節度各還本鎮子儀保河

陽詔留守東都此詩蓋哀出兵之役夫古
者遣將有推轂分關之命今棄師於敵也

唐至於無告如詩之所憾其君臣豈不可刺哉然子儀猶寬度得衆故卒美焉

客行新安道新安地名喧呼聞點兵古木蘭詩昨夜見

借問新安吏縣小更無丁府帖昨夜下次選中男

行中男絕短小何以守王城肥男有母送瘦男獨

伶俜白水暮東流青山猶哭聲莫自使眼枯收汝

淚縱橫眼枯却見骨天地終無情我軍收相州日

夕望其平豈意賊難料歸軍星散營趙云公詩所

之敗九節度兵各引還也就糧近故壘練卒依舊京掘壕不到

水牧馬役亦輕况乃王師順撫養甚分明送行勿

泣血僕射如父兄趙云子儀事上識御下怨寬

潼關吏王深父云安祿山反哥舒翰以潼

關擊賊翰敗祿山遂陷長安其後

收復長安頗增餘險此詩蓋刺非其人

則舉關以棄之得其人雖舊險亦足恃蓋

子所謂地利不如人和也

士卒何草草築城潼關道大城鐵不如小城萬丈

餘趙云世有號西清詩詳者云杜詩如小城萬丈

也得互相備急此亦可笑小城睥睨也大城欲堅

如鐵者此世說所謂若湯池金城無可攻之勢而

潤州城號鐵甕城之義也若睥睨關還備胡要我下馬行為我指山隅連雲列戰格

飛鳥不能踰胡來但自守豈復憂西都文人視要處窄狹容單車艱難奮長戟千古用一夫哀哉桃

林戰百萬化為魚趙云易則利戰險則利守持重

命輕去潼關而戰故敗桃林正言翰進戰之所蓋

潼關於唐在華州之華陰桃林於唐乃陝州之靈

實按哥舒翰傳帝使使者督戰翰窘不知所出六

月引師而東慟哭出關次靈寶西原與賊將崔乾

祿戰由關門七十里道險隘其南依山阻河既為

賊所勝是時軍自相鬪又棄甲而奔陷河死者十

一二故有請屬防關將慎勿學哥舒哥舒翰守潼

為魚之喻關與賊交戰

敗而歸降於賊祿山偽署翰司空諸將光弼

等皆為書罪翰不死節後為安祿山所殺

石壕吏王深父云驅民之丁壯盡置死地

不若也嗚呼其時急矣哉

暮投石壕地名村有吏夜捉人老翁踰墻走老婦出

門看吏呼一何怒婦啼一何苦聽婦前致詞三男

鄴城戍一男附書至二男新戰死存者且偷生死

者長已矣室中更無人惟有乳下孫孫有母未去

出入無完裙老嫗力雖衰請從吏夜歸急應河陽

役猶得備晨炊夜久語聲絕如聞泣幽咽天明登

前途獨與老翁別

新婚別王深父云先王之政新有婚者暮

已此詩所怨盡其常分而

能不忘禮義余是以錄之

兔絲附蓬麻引蔓故不長趙云兔絲當附松栢而

乃附蓬麻為不得其所

矣嫁女與征夫不如棄路傍結髮為君妻席不暖

君牀暮婚晨告別無乃太匆忙君行雖不遠守邊

君

君

君

君

君

君

君

君

君

君

君

赴河陽

趙云河陽孟州之縣

妾身未分明何以拜姑嫜

薛云

廣川王去為幸姬陶聖卿作歌曰背尊章嫜以忽

顏師古曰尊章猶言舅姑趙云陳琳飲馬長城窟

雞狗亦得將

趙云將字乃百兩將之將蓋嫁時所携物也君今徃死地

沉痛迫中腸誓欲隨君去形勢反蒼黃勿為新婚

念努力事戎行婦人在軍中兵氣恐不揚

漢李陵與單于

戰陵曰七氣浸衰而鼓不起者軍中豈有女子乎自嗟貧家女久致羅襦

裳羅襦不復施對君洗紅粧仰視百鳥飛大小必

雙翔人事多錯迕與君水相望

趙云不施羅襦而洗紅粧言君子行

役不反如詩云自伯之東首如飛蓬豈無膏沐誰適為容之義也

垂老別

王深父云軍興之際至於老者亦介冑則又甚於閭左之戎矣

四郊未寧靜垂老不得安子孫陣亡盡焉用身獨

完投杖出門去同行為辛酸幸有牙齒存所悲骨

髓乾男兒既介冑長揖別上官老妻臥路啼歲暮

衣裳單孰知是死別且復傷其寒此去必不歸還

聞勸加餐土門壁甚堅杏園度亦難

趙云作此詩時土門杏園

設備以待勢異鄴城下縱死時猶寬人生有離合

豈擇衰盛端憶昔少壯日遲回竟長歎萬國盡征

戍烽火被岡巒積屍草木腥流血川原丹何鄉為

樂土安敢尚盤桓棄絕蓬室居塌然摧肺肝

百六

無家別

王深父云先王子惠困窮苟推其
所不忍達之於其所忍則天下無
敗亂之兆矣此
詩何為作乎

寂寞天寶後

大寶明
皇年號

園廬但蒿藜我里百餘家世

亂各東西存者無消息死者為塵泥賤子因陣敗

歸來尋舊蹊久行見空巷日瘦氣慘悽但對狐與

狸豎毛怒我啼四鄰何所有一二老寡妻宿鳥戀

本枝安辭且窮棲方春獨荷鋤日暮還灌畦縣吏

知我至召令習鼓鞀雖從本州役內顧無所携近

行止一身遠去終轉迷家鄉既盪盡遠近理亦齊

永痛長病母五年委溝瘞生我不得力終身兩酸

無家別何以為丞

夏日歎

夏日出東北陵天經中街

趙云天文書蓋以春分
秋分日出卯入酉而夏

至則出寅入戌冬至則出辰入申以夏至
之出寅寅東北之地也中街意言亭午也朱光徹

厚地鬱蒸何由開

晉天文志夏至極
起而天運近

至故上蒼久無雷無乃號令乖

趙云言君令
之不時也雨

不濡物良田起黃埃飛鳥苦熱死池魚涸其泥

萬人尚流冗舉目唯蒿萊至今大河北化作虎與

豺浩蕩想幽薊

幽州薊門
祿山曉也

王師安在哉對食不能

餐我心殊未諧眇然貞觀初難與數子偕

君子以
為傷今

夏夜歎

未日不可暮炎烝毒我腸安得萬里風飄飄吹我
裳昊天出華月茂林延踈光仲夏苦夜短開軒納
微涼虛明見纖毫羽蟲亦飛揚山谷嘗宿招提月
夜見麀麀而遊者
物情無巨細自適固其常念彼荷
戈士窮年守邊疆何由一洗濯執熱互相望竟夕
擊刀斗喧聲連萬方青紫雖被體不如早還鄉北
城悲笳發鶴鶴號且翔况復煩促倦激烈思時康

留花門

鮑云按唐志甘州有留花門山堡
東北千里至回鶻筒帳是歲八月

廣平王為元帥以朔方軍討
賊公逆知其言故言表倒桑折卒曰
鮑須留原野何蕭瑟言六為農桑
害也趙云花門即回紇之別名

北門天驕子飽肉氣勇決高秋馬肥健挾矢射漢
月自古以為患詩人厭薄伐修德使其來羈縻固
不絕胡為傾國至出入暗金闕中原有驅除隱忍

用此物公主歌黃鵠

西域傳烏孫使使獻馬願得
尚漢公主元封中遣江東王

建女細君為公主以妻焉公主悲自為作歌曰吾
家嫁我今天一方遠託異國兮烏孫王穹廬為室
兮旃為藉以肉為食兮酪為漿居常思土兮心內
傷願為黃鵠兮歸其鄉天子聞而憐之趙云乾元
元年肅宗以幼女寧國公
主嫁回紇可汗故云云君王指白日連營屯左

輔百里見積雪

左輔馮翊郡也

長戟烏休飛哀笳曉幽咽

田家最恐懼麥倒桑枝折沙苑臨清渭沙苑在長安之

香草豐潔渡河不用船千騎常撒烈趙云此指籍

之為害也左輔漢之馮翊郡今之同州在長安之

東北故謂之左輔沙苑之地正在焉翊郡界故曰

除殘盜故公詩言及左輔與沙苑也

故鳥休罷其飛胡人吹笳故其聲幽咽於曉時

於此胡塵踰太行雜種抵京室花門既須畱原野

矣

轉蕭瑟王深父云肅宗之復兩京藉回紇之師助

遠慮必有近憂以天子之尊推誠仗順集中國之

智力滅一狂賊豈有不足哉不忍須臾之遲顧引

勅虜入於腹心之地卒成危禍其後

陸贄賀吐蕃抽軍不助討朱泚亦云

塞盧子王深父序云徹其西備而爭

烏延宿州臨塞陰河陶子

與塞蘆子蓋五城名也

征城內空荆杞思明割懷衛史思明雜種胡人也

山反河陽懷天寶十四載隨安祿

衛盡陷於賊秀巖西未已高秀巖哥舒翰麾下將

沙苑在長安之

趙云此指籍

同州在長安之

焉翊郡界故曰

以收范陽之

幽咽於曉時

藉回紇之師助

其毒語曰人無

仗順集中國之

不忍須臾之遲

顧引

其後

亦云

西備而爭

陶子

蓋五城名也

雜種胡人也

高秀巖哥舒翰麾下將

以收范陽之

田家最恐懼

麥倒桑枝折

沙苑臨清渭

香草豐潔渡

河不用船千

騎常撒烈

轉蕭瑟

遠慮必有近

憂以天子之

尊推誠仗順

集中國之

勅虜入於腹

心之地卒成

危禍其後

陸贄賀吐蕃

抽軍不助討

朱泚亦云

塞盧子

烏延宿州臨

塞蘆子

征城內空荆

杞思明割懷

衛

山反河陽懷

衛盡陷於賊

秀巖西未已

肅使降

迴略大荒來

嶠函蓋虛爾

北戶關防猶

可倚焉得一

萬人疾驅塞

蘆子岐有

薛大夫旁制

山賊起近聞

昆戎徒為退

三百里蘆

關扼兩寇深

意實在

此誰能

叫帝闡

胡行

遠如

鬼

時官兵止

知東討

收復河

洛而不知

蘆子

之可塞公

懼有乘

隙而起

者故有

此作

義鵠

趙云此

篇紀實

事

以垂鑒

誠之詩

也

四

三

二

一

〇

〇

〇

〇

〇

〇

〇

〇

〇

〇

〇

陰崖有蒼鷹養子黑栢顛曰蛇登其巢吞噬恣朝
餐雄飛遠求食雌者鳴辛酸力彊不可制黃口無
半存其父從西歸翻身入長煙斯須領健鶻痛憤
寄所宣斗上捩孤影嗽哮來九天修鱗脫遠枝巨
顛折老拳杜補遺石勒與李陽鄰居爭漚麻池歲
相毆擊及貴乃使人召陽與酣酒引陽
臂笑曰孤往曰厭卿老拳鄉亦飽孤毒手昔劉夢
得常讀杜詩疑老拳無據及讀石勒傳乃歎服云
高空得躡躑短草辭蜿蜒折尾能一掉飽腸皆已
穿生雖滅衆雛死亦垂千年物情有報復快意貴
目前茲實鷲鳥最急難心炯然功成失所往用捨
何其賢近經涵米湄此事樵夫傳飄蕭覺素髮凜
欲衝儒冠人生許與分只在顧盼間聊為義勸
用激壯士肝

晦日尋崔啟李封

趙云此篇初段蓋叙事
耳下段因物感懷而終

付之於酒以自遣也當春有事乎田疇之
際而甲兵不休憂國念石不能無感乎中
矣

朝光入甕牖尸寢驚敝裘起行視天宇春氣漸和
柔興來不暇懶今晨梳我頭出門無所待徒步覺
自由杖藜復恣意免值公與侯晚定崔李交會心
真罕儔每過得酒傾二宅可淹畱喜結仁里懽况
因令節求李生園欲荒舊一作竹頗脩脩引客看

掃除隨時成獻酬崔侯初筵色已畏空樽恐未知
天下士至性有此不草茅既青出蜂聲亦煖遊思
見農器陳何當甲兵休上古葛天氏不貽黃屋憂
至今阮籍等熟醉為身謀趙云葛天氏一作民不貽黃屋憂一作籍言
古葛天氏則當繼之以不貽黃綺憂言不貽黃
憂則當引之以自古葛天氏蓋言葛天氏之民
無可奈何則威鳳高共翔一云鳳高翔時天下
然高其翔而不長鯨吞九州謂盜賊縱橫如長
全身遠害也
地軸為之翻白川皆亂流當歌欲一放淚下恐莫
收濁醪有妙理庶用慰沉浮

喜晴

皇天久不雨既雨晴亦佳出郭眺四郊瀟瀟春增

華青熒陵陂麥莊子青青之窈窕桃李花春夏各

有實我飢豈無涯趙云言飢豈浩蕩無涯干戈雖

橫放慘澹鬪龍蛇甘澤不猶愈且耕今未賒丈夫

則帶甲婦女終在家力難及黍稷得種菜與麻千

載商山芝四皓歌曰莫莫高山深谷往者東門瓜

蕭何傳邵平者乃故秦東陵侯秦破為布衣貧種

瓜長安城東瓜美故世謂東陵瓜阮籍詩昔聞東

陵瓜近在青門外其人骨已朽此道誰疵瑕英賢遇軼軻
遠引蟠泥沙顧慙昧所適迴首白日斜漢陰有鹿

門後漢逸民傳漢陰老父桓帝幸竟陵過雲夢臨
陽門山採藥不反襄陽記鹿門山舊名蔚嶺山
鹿門山採藥不反襄陽記鹿門山舊名蔚嶺山
滄海有靈查張茂先博物志載近世有人居海上
乘之到天河見婦人織丈夫飲牛遣問嚴君平云
某年某月日客星犯牛斗即此人也趙云既云千
載商山芝往者東門瓜及漢陰有鹿門滄海有靈
查語迹似重疊而意不同前兩句以為此擬之事
後兩句實欲效之也蓋方甲兵危亂之世英賢當
遠引以避如商山之四皓則以採芝為事如東門
之邵平則以種瓜為事是皆避秦之亂其於道為不
可貶也顧慙昧所適回首白日斜則公於此欲遠
引以昧所適為慙將畏其遲暮矣然所適有二柄
漢陰之鹿門可以居山而隱滄海之靈查可以浮
海而去不特出焉能學眾口咄咄空咨嗟世說殷
嗟挽憤而已常書空作字
在新安終日常書空作字
吏人竊視唯作咄咄莊事

送長孫九侍御赴武威判官

驄馬新鑿蹄銀鞍被來好繡衣黃白郎騎向交河

道聞君適萬里取別何草草天子憂涼州嚴程到

須早去秋羣胡反不得無電掃此行收遺跡風俗

方再造族父領元戎名聲國中老奪我同官良飄

飄披城堡使我不能餐令我惡懷抱若入才思濶


冥漲浸絕島罇前失詩流塞上得國寶皇天悲送

還雲雨白浩浩趙云言上天亦悲人之遠去東郊

烽火朝野色枯槁趙云京郊指言史思明蓋東

西極柱亦傾如何正穹昊趙云西極傾指言

西極柱亦傾如何正穹昊趙云西極傾指言





不 許 複 製

NOT TO BE REPRODUCED

東京大学東洋文化研究所